

吉林出版集團有限責任公司
海 天 出 版 社

欽定四庫全書薈要

集 部
別 集 類

目次

書名	卷次	頁次	作者
懷麓堂集	卷五〇—卷一〇〇		明・李東陽撰
卷五〇		四二一—一	
文稟三〇 誌銘六		四二一—一二	
卷五一		四二一—一五	
詩后稟一 古樂府 長短句		四二一—二四	
卷五二		四二一—四七	
詩后稟二 五言古詩		四二一—三八	
卷五三		四二一—六〇	
詩后稟三 七言詩句			
卷五四			
詩后稟四 五言律詩 五言排律			
卷五五			
詩后稟五 七言排律			
卷五六			
詩后稟六 七言律詩一			

書名	卷次	頁次	作者
卷五七 詩后稷七 七言律詩二 卷五八 詩后稷八 七言律詩三 卷五九 詩后稷九 七言律詩四 七言排律 卷六〇 詩后稷十 五言絕句 七言絕句 卷六一 文后稷一 賦 卷六二 文后稷二 序 卷六三 文后稷三 序 卷六四 文后稷四 序 卷六五 文后稷五 記		四二一六九 四二一七七 四二一八三 四二一九〇 四二一〇〇 四二一〇四 四二一一九 四二一一三三 四二一一四九	

書名	卷次	頁次	作者
卷六六 文后稟六 記		四二一—一六二	
卷六七 文后稟七 記		四二一—一七五	
卷六八 文后稟八 記		四二一—一八七	
卷六九 文后稟九 表 凡例		四二一—二〇〇	
卷七〇 文后稟一〇 書		四二一—二一〇	
卷七一 文后稟一一 傳		四二一—二二二	
卷七二 文后稟一二 說 雜著 策問		四二一—二三三	
卷七三 文后稟一三 贊 題 銘 箴 跋		四二一—二四四	
卷七四 文后稟一四 題 跋		四二一—二五四	

書名	卷次	頁次	作者
卷七五 文后稟一五 祭文 卷七六 文后稟一六 墓表一 卷七七 文后稟一七 墓表二 卷七八 文后稟一八 碑銘一 卷七九 文后稟一九 碑銘二 卷八〇 文后稟二〇 碑銘三 卷八一 文后稟二一 碑銘四 卷八二 文后稟二二 誌銘一 卷八三 文后稟二三 誌銘二		四二一—二六四 四二一—二七〇 四二一—二七九 四二一—二八九 四二一—三〇一 四二一—三一二 四二一—三二五 四二一—三三六 四二一—三五一	

書名	卷次	頁次	作者
卷八四		四二一—三六三	
文后稟二四 誌銘三			
卷八五		四二一—三七七	
文后稟二五 誌銘四			
卷八六		四二一—三八九	
文后稟二六 誌銘五			
卷八七		四二一—四〇〇	
文后稟二七 誌銘六			
卷八八		四二一—四一一	
文后稟二八 誌銘七			
卷八九		四二一—四二三	
文后稟二九 誌銘八			
卷九〇		四二一—四三三	
文后稟三〇 誌銘九			
卷九一		四二一—四四四	
文續稟一 南行稟一			
卷九二		四二一—四六二	
文續稟二 南行稟二			

書名	卷次	頁次	作者
卷九三		四二一—四七一	
文續稟三 北上錄一			
卷九四		四二一—四八六	
文續稟四 北上錄二			
卷九五		四二一—四八八	
文續稟五 經筵講章 孟子直解十九首 離婁章			
卷九六		四二一—五〇七	
文續稟六 東祀錄			
卷九七		四二一—五二六	
文續稟七 集句錄			
卷九八		四二一—五三七	
文續稟八 哭子錄			
卷九九		四二一—五四四	
文后稟九 求退錄			
卷一〇〇		四二一—五五二	
文后稟一〇 求退錄			

欽定四庫全書薈要

集部

懷麓堂集卷五十二

欽定四庫全書十要卷一萬六千六百七十九

集部

懷麓堂集卷五十

明 李東陽 撰

稿三十

誌銘

明故朝列大夫雲南布政司左叅議致仕呂公

墓誌銘

公姓呂氏諱昇字明遠世爲襄陽人祖諱義永樂初累

欽定四庫全書

懷麓堂集卷五十

功擢徽州衛副千戶贈明威將軍錦衣衛指揮僉事祖

妣孫贈恭人考諱貴嗣千戶有寵英宗朝起擢錦衣衛

指揮僉事後調貴州平越衛以功遷指揮同知階懷遠

將軍懷遠公四子公年最長幼嗜學遊京庠從禮部侍

郎刑簡翰林編修劉公昇受易學舉順天壬午鄉貢連

得甲申進士第觀政吏部成化丙戌受戶部主事有勤

慎聲庚寅疏乞省懷遠公於平越間歲乃反壬辰懷遠

公卒率諸弟往歸其喪服闋遷員外郎丁酉運舟不時

詳校官候補通政司經歷臣郭祚熾

至命公往督官士奉令罔敢後已亥遷郎中會朝廷用師建州出督運餉餉不告乏辛丑竟典王府冊封副使癸卯擢雲南布政司左叅議至則躬親郡縣察隱除弊有武官怙勢殺人執法者欲貫之公曰死者何辜竟抵

法民翕然稱快蒲蠻亂奉檄宣恩德皆帖服不敢肆公巡不擇地衝冒瘴毒因獲疾瀕殆乃起丙午入賀聖節事竣遂乞致仕弘治戊申十二月四日疾作遽卒年五十七嫡母王封恭人生母李及配楊以公貴累封宜人

欽定四庫全書

懷麓堂集 卷五十

二

子二某年日葬嗚呼子與公同庠同舉鄉貢及進士凡三十年聞政譽籍甚顧於詩未甚悉也比卧病公携五言數首過予使訂可否予見其帖有法度及詢之則曰吾業此二十年誦唐詩千首每袖置一卷有遺忘輒取繹之今尚能誦焉所作五七言亦無慮千首然未始示人聞子論甚強予意後數日當盡携以來過期不至忽報云死矣因取所畱稿閱之慘然以悲又數日公弟錦衣千戶昂奉同年通政魯公克明狀以銘請予因以語

昂俾輯遺稿俟異時次而傳之而先畀以銘銘曰生不溺貴當力學以成旋棄其羸以保此令名胡取之難而委之也輕乃以其餘自託於詩欲以是鳴志弗竟而止實傷我情有欲知公不於其詩其考我銘

明故監察御史張君墓誌銘

監察御史張君世用按福建時得疾還京師屢輟屢作猶力疾出治事今年春益劇乃具疏乞歸事下吏部未覆而君卒成化乙巳閏四月二十九日也年四十有九

欽定四庫全書

懷麓堂集 卷五十

三

君屬纊時謂其子立曰吾親年七十吾不及終養以死死不恨獨歎此耳又謂其中表弟尚寶卿仲君惟馨屬所以識其葬者蓋謂予予往弔君聞遺言而哀之翌日奉君同年中書舍人楊君應寧狀來請銘予以維馨故識君久且得應寧狀可據信銘不得辭君姓張氏諱授字世用世爲揚之寶應人曾祖諱谷成祖仲仁父彥明封太常寺博士母鄭氏封孺人君少有器識弱冠爲縣學生穎脫儕類御史見其文驚曰是當爲場屋魁此試

有司屢弗利成化戊子始卒鄉貢壬辰登進士第觀政戶部嘗預收京儲給河南潼關諸軍賞皆有能聲授太常博士凡值郊祀廟饗左右執事閑禮度有白金文綺之賜居數年被簡爲四川道御史監光祿寺出納明慎及按福建樹風采嚴疏令鋤強植弱敏於聽訟直判曲直然未嘗恃以爲能每錄重辟必勤服念所全活者甚衆有藩閫武臣怙勢爲民病君列其罪奏疏之名益彰尤重文教以作人厲俗爲事間又訪先賢遺跡興廢補

敝存問其子若孫或弔古感物輒形歌詠亦不以妨政務及受代簿牘無留者時官數多冗至有冒名匿罪以干祿澤君率同官極論之詔黜其尤者若干人君後別有擬奏而病已作竟不果上云君閨奧明達博交汎愛而臧否自別有不當意輒見辭色旋亦消釋不復着胸臆間憫窮赴急義氣所激視財利若土苴在官十餘年不問生業未嘗增寸土一屋服器儉朴蕭然如諸生時君當經術授徒京師有顯者爲詩文清拔有思致至於

辨別體裁評騭高下尤介介不苟君子以爲知言所著有竹西稿若干卷娶許氏戶部檢校文誠之女封孺人一子某月某日葬某山之原銘曰入其堂其氣奮以揚接其人其論激以昂忽弗振而死能無傷乎

封承德郎刑部主事譚公墓誌銘

封刑部主事上海譚公自作壽藏於黃龍浦之西原又自制棺槨衾襚凡後事皆備會其子員外郎詔歸自官公日引至其地左右指曰墓穴當主何山墓門當何鄉地

當置何樹池畜何魚田所宜種者何穀園所藝者何物詔唯唯退而泣曰噫此殆以後事屬我也還朝而訃及公諱甫字廷禮世居上海鶴沙里年十六失怙出贅朱氏數歲乃歸養肆禮經舉子業志游庠校不果府強辟爲從事非其好也乃以經學授厥子曰必爲我成之間家居置塾爲鄉子弟師多所器就及謁選丞居野裁剴綜合見稱爲才以外艱返載修塾教并繼母弟侃諤皆誨使成業焉納婦置產居之兄章裕死遺孤訓誨若已

出潘氏妹老無子迺歸養之改丞陽信專督馬馬政簡
裕不爲力坐謫辭官詔舉鄉貢禮部試連得捷公曰吾
不歸治家俾詔或內顧遷業豈至是哉於是益屏世營
厭耳喧襍居浦西別墅築周垣鑿方池構屋數楹環蔕
花竹日吟諷游行以此自老及聞詔拜官昭以四戒謂
急失情緩則留獄刻則妨平恕多疑則長奸僞因韻爲
詩使誦之詔子魁兒早夭公貽書曰非我不德則汝失
刑是致不可不省詔勘獄高郵時法禁殊肅公又示以

欽定四庫全書

懷麓堂集
卷五十

六

書云王事至重母得枉道歸歸必請又一年乃用詔例
以省覲歸三晦朔亟趣使行然中實不釋疾且作詔還
今秩公力疾手書致戒蓋自是不復至矣或者謂公曠
達遺世樂不諱死此世所不易或曰久於命殆安之爾
彼戒子者意懇懇不釋斃然後已此豈遺世者哉君子
曰後說蓋知公者公曾祖伯玉祖文政考克閨配某氏
子二詔其長也次子誥舉懷才未仕孫男女各二皆幼
公年六十有二某日葬詔之舉於鄉予得其文魁選間

及在官廉慎精法律以公命奉姑養於官即所稱潘氏
妹者也詔以刑部郎中陳君一夔狀請銘一夔公鄉人
有世好言蓋可據故爲銘銘曰名弗身遂於子則取之
公不曰矜曰我國有之生距有窮意過斯止公不外慕
曰此足以死死有遺憂其憂在國曰吾子有職於我是
塞彼官弗忒以耀於潛德

封太孺人楊母熊氏墓誌銘

楊太孺人熊氏卒於新都其子行人司正春奔喪歸既

欽定四庫全書

懷麓堂集
卷五十

七

聞地卜日具葬其孫翰林侍講廷和請予銘按楊氏之
先本楚人元末徙新都春之曾祖諱賢贊於李祖諱壽
山考贈行人司正公諱玫皆冒李姓公三娶始郭繼楊
太孺人以同邑望族實再繼焉時楊氏中落公爲縣學
生有前室二子遠政太孺人撫若已出及公膺貢入國
學畱居故廬手自織辟畜鷄豚易錢穀爲朝夕費裁取
自給餘悉致京師爲旅資公授永州吏目太孺人從歲
所得祿俸務節縮一錢不妄費公卒於官遠政亦相繼

夭死春及二季皆幼未堪事太孺人蓬骨垢面員遺骸
挈兩寡婦以歸值貴州苗作亂道甚梗晨夜間行出入
營壘觸冒瘴癘雖造次頃刻區別臧獲咸有分限每經
一堡必號曰天乎未亡人經某堡矣經一嶺必曰經某
嶺矣以至城郭津渡皆然既抵家治葬家復貧如未仕時
脫所被簪珥遣春就學始令復楊姓曰汝父治命也目
嘗失明成化辛丑春舉進士疏乞歸省太孺人喜乃復
明居數年趣春就任曰我尚健猶幸及汝之封也春拜

欽定四庫全書

懷麓堂集
卷五十

八

行人司正以弘治辛亥滿三載吏部上最績獲賜勅命
贈公如其官太孺人始受封乃具冠帔拜祠堂曰未亡
人有以見君地下矣某月日卒壽八十有三某月日葬
於某山之原在公墓右數武許子五孫十廷和某某曾
孫五銘必有狀司正君既歸追憶懿行懼外之人無能
知勉自爲狀其辭哀而理廷和年十二舉鄉貢其舉進
士實先司正君今在講筵史局卓然有聞焉予嘗叙貞
壽堂詩以徵太孺人之教與澤然所叙事差簡茲叙爲

銘作乃書之加詳若公行尚多以銘爲太孺人作故不
及且與詩叙互見云銘曰有沃斯原我樹我封夫君所
安我不圖存後四十年而窆於鄰異壙同垣疇其保之
以遺我子孫

明故中憲大夫浙江處州府知府郭君廷臣墓
誌銘

予聞浙藩張布政稱良有司得知處州府郭君廷臣及
彭刑部南巡最君績移檄獎厲處人相與建生祠奉之

欽定四庫全書

懷麓堂集
卷五十

九

未幾君卒其子鄉貢士郭方以憂居肥鄉馳省君至杭
得訃奔至處處人曰我侯之子也相嚮而哭郭既返君
喪道鎮江奉楊按察應寧狀上京師請予銘益其母之
葬予實銘之矣郭君舉成化己丑進士官戶部爲主事
督收京儲會計精當尋督天津諸衛及汧石諸場財賦
宿弊盡空屬吏以金餽斥弗納遷員外郎督儲臨清見
伐桑棗貨食者畀之米且諭之曰植物不易貨且盡當
復何貨民感悟遂不復伐會有議開邊者願君督餉辭

不獲比出境不遇賊而還進郎中有宗室訟民田久不
決君往勘實歸奏稱旨因疏所見數事於朝及知處州
守久闕倅貳更署吏緣爲姦君至嚴防禁籍記條教事
無畱案尤精判決人不取欺處有銀冶民乘利據險爲
恒患君榜示禍福弗悛者輒捕除之嘗有羣盜久弗獲
君憂而禱之是夜夢衛廩穀溢因廉得米廣者爲盜窟
併獲賊證衆以爲神麗水民惑後妻逐前室子君重傷
子教反覆開悟俾爲父子如初戒民節用禁胥吏勿下
鄉井還逋民萬餘口復舊業歲旱禱雨雨輒應有蟲傷
禾稼爲文祭之三日而死有瑞蓮嘉禾諸物或以頌君
辭焉尤畱意學校躬爲程課士皆勸學獨嚴御下貪官
黷吏皆斂不敢肆惠歸於民民以是思之君少用志教
養弟息舉鄉貢懋惠皆習舉子嘗旅宿比舍有女夜奔
拒之不去乃出避之其素所操執固如此豫策民利數
十事及爲郡次第行之處人輯所立教條曰爲政紀綱
曰括蒼規約以傳其所自述有詩文若干卷郭氏本出

欽定四庫全書

懷麓堂集
卷五十

十

鹿邑國初魯祖仁美從大兵北行至肥鄉因家焉祖晟
龍江衛經歷父謙永年縣丞累封戶部員外郎今年八
十矣母石氏累贈宜人君生某月日卒於某月日年五
十有二娶梁氏累封宜人先卒葬其原已酉某月某日
合窆郭其嫡子也側室楚氏有子卹丁氏有遺腹子郭
告諸祠堂名之曰邢銘曰世有毀譽或非厥情面背則
殊矧惟死生浙有郡侯郭姓忠名蒞郡六年而棄其氓
氓忘我侯侯我父兄劬孰我佚擾孰我寧泣以送之有
淚吞聲侯也何知我情是嬰侯生有祠匪悅與營昌以
驗之於侯之門有考績者視我茲銘

需菴處士岳公墓誌銘

亡妻岳宜人之伯父需菴處士公諱端字元方實爲吾
外舅蒙泉翁季方之母兄卒且葬公子坪泣曰吾父之
銘尚將誰屬哉東陽亦泣曰吾又奚辭因檢翁所撰
述得公世系詢諸戚黨老長及坪所自述又追憶吾妻
言得公事行并叙次之岳氏世爲順天郭縣人曾祖諱

欽定四庫全書

懷麓堂集
卷五十

十一

德甫祖諱思銘考諱興懷遠將軍府軍前衛指揮同知妣太淑人劉氏懷遠公始娶焉繼娶王劉娶於南京宣廟詢公家命舟迎至京師賜第居之懷遠公職秘甚近勸不顧私公孝友識理道少勤幹裕遠遊江湖服養成業翁賴以就學懷遠公從翁爲翰林編修嘗具疏論國大事辭甚激公窺見其稿泣且裂曰安所置老母乎及翁入內閣論曹石罪惡得禍戍萬里外私第爲世家所奪家盡破公則曰弟職然也未嘗色怨獨奉母日慰悅

欽定四庫全書

懷麓堂集
卷五十

十三

之終其身迨勢家敗公具自列憲廟命還故第翁出知興化公獨居慨慕及見致政歸方聚處數年而翁卒遺業蕭然幸公老壽家賴以不墜遇王氏所生弟千戶詳從弟海皆極友愛育從子培均增堂堙垣不異已出培子標再嗣官及諸孫及格植之立羣從中表諸女弟之嫁皆公力也族叔有餉邊者解所衣以贈之劉氏舅卒爲買棺治殮乃歸白懷遠公旁近姻黨下至旅寓以貧告爲治奩買棺者多不可紀數劉氏從母無子迎居母

事三十年竟殮而葬之女適王主事證早寡撫育其女擇貢士任經嫁之於今有孫焉家居不妄費不服紉綺雖老病躬課臧獲或手操箕箒不少倦自制棺椁厭與凡後事曰死命也吾俟其正而已弘治丁酉四月三日病忽革匡坐而絕得壽七十九五月某日葬鄆之望村先墓配南京陸氏有賢行子坪克家孫梁女孫一人益自增堂之失我蒙翁遂失嗣續且不壽以沒天下共悼惜之公後卒十有八年壽踰二紀有子及孫視翁福祉殆若過之其功在繼續方居顯揚亦畧稱矣然則公之重以翁而亦可以無負也夫銘曰方以類聚習以性成古語則然於公有徵遠則畿甸尊則公卿孰不曰此蒙翁先生之兄也漢有陳氏元季並稱公與蒙翁將無忝厥名有嗣在公來者其承之

欽定四庫全書

懷麓堂集
卷五十

十三

西莊處士羅君墓誌銘

西莊羅公建昌南城人處士也其子玘爲翰林編修故大夫士多知公例得封勅不及命以卒鄉之人不敢字

公故以號著曰西莊云公諱昌字文程生未晬失恃乳弗給日啖肉數鬻得不死竟以是得疾家人易之公考獨曰是將強吾宗顧以疾弗督使學一日公忽自奮從季父大觀學博涉史經地志歷法諸書雖未通然恒若以自負者人亦莫能測也正統間賊鄧茂七作亂聲言襲建昌城中人固有固志公帥衆守西門不脫介胄示以固守力懲弛怠敲朴日不絕麾下士無敢仰視者忽流言將黥鄉兵軍中皆驚公叱曰敢譁者死衆乃定寇亦漸引去皆謝曰活我者羅公也村北芙蓉山傳有金鷄神能禍福人趨者踵接公曰寧有是敵以下皆答而返之竟以無他嘗夜過東麓見灌莽中鬼燐匝地比曉揮百斧緒之遂屋其上今家焉其意氣屹屹不苟爲物變類此尤敦內行事父一日不離側祀事久益虔自撰墓莫禮曰此禮非古吾以勸孝也晚居西莊置產增業爲遊眺所亭臺竹樹甲旁邑諸墅日與客笑傲其間竟以是終所著有西莊稿家塾稿若干卷娶傅氏子男四

欽定四庫全書

懷麓堂集 卷五十

十四

綱紀經維紀改名玘以國子生舉京闈第一登進士第拜今官公壽六十九某月某日葬縣之某原按羅氏出侍御史袍袍避危全諷跋扈徙居南城十一傳爲曾大父慶遠生蘭谿司稅俊傑俊傑生耕隱處士大矩實生公至公子玘乃復顯方其未顯也公謂之曰爾有奇才終必稱吾志比久詘言不爲變已而果然玘舉京闈予實校其文故以公葬請予銘其同官陳正之有狀銘曰鬱而崛其氣有勃歛其鏐弗剛以缺矧以發亦莫我敢遏固天將成之匪予奪

欽定四庫全書

懷麓堂集 卷五十

十五

國子生傅君墓誌銘

國子生清苑傅君卒於家時其子編修珪方闋母服再入翰林纔數月以冬至節謁陵未入見而訃至將復歸予甚傷之越數日珪奉檢討毛維之狀來請銘且曰吾母已得體齋傅先生銘吾父時以爲慰茲吾父不遇以沒先生倘予之銘是慰吾父地下蓋珪之舉於鄉予暨體齋典試事故其言云然予安可辭也哉按傅氏本清

苑舊族族最大鄉稱所居地曰傅家莊魯祖諱士成祖諱貴皆弗仕考諱信爲嵩縣主簿有去思於民君諱泰字顯雅弱冠遊保定府學爲生通詩經學成同業皆推孫稱後進遂屈爲子弟執經問疑義者相繼君教法嚴整凡及門經指授多稱爲才君自負甚偉始謂科第可立取也試京闈連失利失利者類以藉口曰君道科目果足恃哉成化己亥膺府貢士上禮部陞國子生又卒業歷營繕司事名齒銓籍次未及間乞歸假君曰吾非不欲仕仕亦有命安能役志於物以累吾志乃自號抑莊散人放情田野日與鄉人遊多蓄酒待客客至則詠觴爲樂有招者亦忻然赴之性坦亮不喜談人過或犯之笑不與辨人以故樂親之知君者謂雖自放然所負故在終必自見且其子珪已得進士官侍從即不就仕亦嘗荷有錫命是其進退優裕無弗可者而君遽以疾卒得年五十有六而已君喜爲詩稿成亦輒棄去不復自惜每以教珪不獨於經學爲然珪志業專確將大有就

而君不及見然他日考試業者寧不曰無是父無是子如揚子所云者亦可以無憾哉君配劉氏有內行其卒也以弘治庚戌葬府城南祖塋君卒以某月日明年某月某日啟壙而窆以劉氏祔焉子五珪乃其長孫如子之數女孫加女之一皆在室銘之曰士有力學奮爲仕徒有車既膏中阨於途塗亦孔夷衆所共趨我行獨遲咎豈在車爲疾者驅我車弗如有命我者孰疾孰徐我悉聽之弗能覲覲我力弗窮而委其餘勗我繼軌慎哉厥初

先叔父前金吾左衛百戶李公墓誌銘

我叔父府君病間東陽問之曰有憂乎曰汝在予何憂有遺言乎曰汝在予何言嗚呼東陽孱愚賴我叔父以有今日自吾父學士府君之喪實父事焉叔父老而無子我其敢弗力凡葬事悉稱吾父顧名秩未著不敢以銘誌爲達者累謹茹哀輟哭叙其事以藏嗚呼吾李氏世出茶陵洪武初吾曾祖繼二府君籍義兵歷濟南衛